

四庫全書

集部

欽定四庫全書

集部

石倉歷代詩選卷一百九十二至七

詳校官庶吉士_臣范逢恩

侍讀_臣孫球覆勘

總校官進士_臣朱鈐

校對官中書_臣葉蘭

謄錄監生_臣汪兆鼎

欽定四庫全書

石倉歷代詩選卷一百九十二

明 曹學佺 編

宋詩六十九

黃 幹

答曾伯玉借長編

白露下百草迅商薄脩林幽人起長歎感此節物深攬
衣自徘徊撫劍還悲吟丈夫各有志莫作兒女心涉遠

欽定四庫全書

石倉歷代詩選
卷一百九十二

常疾驅畏影須就陰願言理輕車去上南山岑

九日早發桃枝嶺

登山豈不樂況此風露清排簷夜雨滴詰旦天空明
歡然金石交要我林泉盟支筇趣漫汗勇往不計程
一水何縈紆千峯擁崢嶸仰視流雲馳俯聽幽壑鳴
班荆得所適斗酒聊共傾人生會有累聚散如浮萍
今晨諧勝遊異日難忘情意愜各賦詩庶以紀此行

道間觀瀑布

行行益以遠，愜此心期幽。一徑險復夷，千林密相樛。回首天際山，矗面懸飛流。銀潢倚石壁，玉龍下山湫。光搖日璀璨，勢急風飈飈。可望不可親，神往形獨留。眷言桃枝山，久懷卜築謀。豈無一日閒，努力窮冥搜。

十二日復歸桃枝嶺

大溪章溪溪水清，上寮下寮山路平。三山屹立相犄角，百里連亘如長城。仰干雲霄不盈尺，俯視天高浮寸碧。閒雲吞吐溢澗谷，飛泉噴灑下石壁。中有一山名芙蓉，

端冕正色羣山空望之令人起敬悚僧言直與衡嶽同
坡陀突兀作雲洞虎豹蹲踞棲鸞鳳聞道前朝開闢日
曾住浮屠幾千衆我来已作五日行皇天一雨復一晴
穹林杳靄非人世手執羣仙朝玉京曉來更向山前去
忽到山翁棲隱處却憶桃源洞裏人日出煙銷忘舊路

侍文公飲浮翠用劉叔通韻

涼風振幽壑陰雲翳前山高懷勵清秋適意林莽間煙
橫萬家井水淨霞溪灣徒倚暮忘歸人境相與間遊子

獨何為千里方言還陪此杖屨遊忘彼道路艱心期更
他歲依巖結柴關

讒人

監謗兆周蹇偶語擠秦亡古風下刺上國步安且強靖
康發深痛熙豐啓餘殃惜哉天子明未免讒者傷讒者
亦何為君子名愈彰

拜文公先生墓下

暝投大林谷晨登翠如亭高墳鬱嵯峨百拜雙淚零白

楊自蕭蕭宿草何青青悲風振林薄猿鳥為悲鳴音容
久寂寞欲語誰為聽空使千載後儒生抱遺經

與胡伯履

白露下百草玄雲翳崇岡遊子暮何之倏若孤鴈翔朝
發長沙渚夕息湘山陽飛鳴念儔侶慷慨增悲傷故人
懷我深遠寄金玉章開緘且疾讀慰此飢渴腸是時煇
中火朔風掃枯黃歲月能幾何皋蘭結微霜脂車策良
馬日暮道正長徒僕審驅馳前途畏榛荒劣質苦難任

白雲懷故鄉南山一舍隔矯首空西望

送章元德司理罷官歸永嘉

送君北門坡遙望東甌路峨峨白鶴嶺渺渺飛鸞度上有虎豹號下有蛟龍怒車馬堅且良維櫟夙已具褰裳涉其險萬古不足懼世路劇羊腸皦皦誠易汙但能心無愧窮達安所遇毋為婉孌者暫蹶輒驚顧生平麋鹿姿處世歎多忤胡為展良覲握手便如故高懷發鍼石正論諧韶濩情親復告別欲語誰與晤乾坤一逆旅日

卷一 五九十二
月雙脫兔寒儒守蓬華白首困章句期君以遠大庶足
慰遲暮

訪高僉判所居

遠樹分高下平洲半有無短亭低密竹小艇隱寒蘆轉
浪魚深入斜陽鴉亂呼自慙貴公子未老賦歸歟

甲子語溪閔雨

檣頭五兩搖空飛船頭百大牽何遲數篙塘水清可涉
故鄉千里歸何時

其二

塘中龍骨高數層
龜坼田中縱復橫
青裙箬笠倚車卧
但有空車無水聲

其三

牛女盈盈河漢旁
清風肅肅吹羅裳
朱門達旦聽歌曲
莫遣濃陰蔽夜涼

謝潘謙之

生平不作溫飽計
歲晚寧愁衣褐無
一夜嬌兒啼徹曉

始知寒色已侵膚

石倉歷代詩選卷一百九十二

欽定四庫全書

石倉歷代詩選卷一百九十三

明 曹學佺 編

宋詩七十

陳傳良

讀范文正公神道碑有感佚事

武侯不可致玄德造其廬公在衰經中乃上時政書維
時君臣定事與草昧殊出處千載同豈必名迹如行伍

拔大將飢寒得名儒推轂天下士百年用其餘生平慕
河汾未許王魏俱殷勤八司馬意獨何區區自古朋黨
論消復莽無期誰令羣疑亡韓富及有為惜哉公不見
功名止西陲

遊鼓山

鼓山聞天下一見名不空自從周職方閩在王會中登
山亦幾人興寄隨所從騎君常惻日遷客多悲風劔川
發甌西萬阻與海道忽然得平壤此山矗其中我行未

及巔已見國勢雄三韓到吳會不可道里窮俯瞰南來
帆沄沄自朝宗曩時諸降王各撫千里封相招神御圖
旅獻東都宮東都今何如胡馬鳴蒿蓬一春長雨露明
日歸樊籠恣探泉石幽篝燈道歸節

冬夕書懷

冬夜苦難曉短景復易夕安得戶牖光不待東方白恍
如遊化城瓊臺若干尺英華發林藪餘彩散阡陌平鋪
浩無垠巽入惟有隙忍寒貪縱觀未願明曦赫柳棉著

歌茵梅片墮粧額
矚然羣汗中
有意欲比迹
自識玉皇家
攢仙陋山澤
新米學為農
遭歲屢無麥
穉子色恒飢
老婢脚盡赤
一飮今有待
喜更問瓜場
歸來看床頭
瓶粟幸餘積
且以炊春醪
號召已散客

哭呂伯恭郎中舟行寄諸友

去年上溪船
落日建安旄
今年上溪船
濡露金華草
當代能幾人
胡不白髮早
念昔會合時
心事得傾倒
倚廬魚鼓夜
聯轡難人曉
遐搜接混茫
細剖入幽眇
挹茲隘

溟渤扶携薄穹昊斯文何契濶之子復凋稿百年在無窮寥廓一過鳥家人徵舊聞學者拾餘稿區區存萬一散逸誰可保君看魯論上彭壽顏回夫子今懸日月豈必言語好儻無後來者泯沒秋毫小南浮吳蜀會北顧闕河杳懷哉各努力人物古來少

張冠卿以前詩懷哉各努力人物古來少之句
為十詩見寄次韻奉酬

明月不可浣有時障氛霾芙渠生淤泥豈必所處佳老

予苦鍊藏釋氏多遣排如欲盡物累自古誰好懷冥心
觀宇宙孰是同與各夜旦無息期日出星河落此有齊
人瑟彼有荆人璞嗟余耳目短豈故重然諾朝雞警冠
劍巷犬吠深塢胡然予列子越在鄭東甫永懷王黍離
莫與戍申許雞犬各有役人亦宜自努江梅歲已過燕
子春又来不愁吾鬢霜所恨此志灰扶桑煒煒明閭闔
蕩蕩開欲往豈不可致遠非驚駘

送劉茂實宰奉新

遠別欲無寐，細論惟有酒。今當作劇縣，君意亦樂否？江
湖吏道僻，歲月民勞久。救之敝精神，自愛終袖手。要中
名甚美，用意物所咎。君親蘭桂林，餘茂及樵樵。移根託
客土，顏色非故有。贈言幾滿車，一字堪皓首。於焉但裁
擇，對越二三友。諸賢既當路，公論在衆口。

遊白石巖

地向東南傾，石際滄海立。蛟龍限波濤，雞犬得城邑。居
然通國望，跋莫他山及。道人獨有之，置屋三四級。幾看

星月爛却聽風雨急于今二百年我共冥鴻集晤語夕
陽低對酒秋旻濕明朝江上舟避雨漁翁笠邂逅一俯
仰此道可於邑

寄題陳同甫挹膝亭

稻粱不難謀軒冕亦易得胡為挹膝翁惻惻復惻惻秋
風墮碧梧鳳鳥去無迹怒吟草際蛩兒女淚盈臆忽然
舒長嘯孤响起空寂令人識雅頌一唱三歎息室廬在
路旁耕鑿在民籍行人聽笑語稚子共眠食讀書果何

罪鬚髮又半白此意太勞勞此身長抑抑但勿問門外
蓬蒿若千尺

送葉正則赴浙西憲幕

頻年送行客酒釐詩不工最晚與君別奈此百感叢岐
山有鳴鳳雅頌移幽風于時二老生出處海上同曹劉
對七箸失色一語中明朝蜀江水不與灞滻通人心起
毫末世故闢鴻蒙乃知貧賤交不下王霸功霜根宿病
驥雲帆背飛鴻秋水能隔人白蘋况連空相從自束髮

各去隨轉蓬今懷欣有合後會苦未重鱸魚直萬錢羊
酪醅一鍾願君養盛年我友半已翁

送謝倅景英赴闕

言詩必南雅自鄮吾無譏嗟余生也晚觀人以觀詩人
情日變化往事十九非相從節邊幅欲語懷銜羈久不
見官寺下與家人夷渡江六十年得此心自疑早從諸
公遊晚佐一郡治居嘗陳誼高動與作吏違大白浮朋
簪單居歟民靡多文雖素履用拙真良規二年意綢繆

一別事渺瀰有酒公不飲贈言我何裨穆穆清朝班
僉曰尚德宜何妨着此翁衣冠皓鬚眉

借書一首別薛子長

山阿着柴扉陋甚誰盤桓美人此何求鉅竹數十竿
日閱書百篇尚覺目力寬欲從我借書我書何足觀
辛勤抱遺經及此鬢髮斑一語未領會累日不自安
雖更聖人手亦恐衆說漫况復秦漢下魯莫脩與刪
致之獲麟前存者今若干我無所取裁望洋久空歎
讀書固非易

窮理良獨難昨來荷堤上嘗試及孟韓此語如涓涖此
道如丘山

張漕行部過湘岸有作因次其韻

春晚得新霽草木日夜綠陽光初蔽虧野暝或單復美
人浮湘波領此入蓬屋故放歸帆遲更呼漁火續窮探
物精華盡付諸凡目憶昨欣晤對令我忘休沐劇談酒
行希危坐兵衛肅相思正倚樓所寄忽累幅瑰辭堪買
貧軼韻和難屬自從楚騷興悲些逮差玉後來數唐人

款乃巖隈宿世無梁昭明斯文又誰錄

送郭希呂

我門閉重重我徑阻且深梅花獨相依聊以慰我心
美人從何來崎嶇自幽尋亦于琢水中而和南風琴
菜甲尚可羹新筍足同斟不知歲已華歸興生霜砧
欲別復少住棲鳥歸月林客去鳥翾飛落花滿牆陰

上閩帥梁丞相生日二十二韻

炎正維中葉皇圖再造年天潢流少海星緯聚台躔臣

主嘗難並乾坤豈偶然千齡開歷數一氣付陶甄黃屋
傳神器彤庭領衆仙風雲從此會日月更誰先昔者求
侵地何人賦甫田吳兒咸抵掌曾等欲差肩廟論惟多
士戎功不在邊一麾分赤社萬事屬青編吾道誠難用
諸儒亦自偏才名多濫落經行失拘攣洛蜀何嗟及熙
豐竟禍延旁羅兼雁木平步忽貂蟬甚矣知當宁淒其
望濟川年來羣老行公在萬民懸定作鹽梅用行歌杖
杜還滄溟宗衆濫衡嶽倚蒼玄要使垂身後無為慰眼

前管絃無算爵桃李未央天魯燕雖堪頌閩山不足鐫
中原康濟事曩鼎願聯翩

送趙叔靜教授閩中四首

家無宿春糧適意恣所向征鞍催上官帆海看疊嶂有
言及當代浩飲益悲壯以茲真周行盍在幾人上

其二

讀書須讀經學文須學古青衫故不換白髮早可數我
亦窶人子風雨蔽蓬戶胡為數相遇夜話恒過午

其三

炯炯出萬壑水壺懸清秋孰與玉瓚中穆然養黃流孤
松高半天蘭芷復過幽看君最雍容奈何短自謀

其四

百吏不可試卷懷州校官翩然落南閩不為荔子丹雕
蟲妙經術倚市多儒冠吾道未必貴政此良已難

簡友人一首

南去有五嶺北來有重湖水清石益奇往往中州無在

昔宦遊者越若韓張徒胡然自衡陽隻雁亦不徂

和張倅唐英詠梅

種梅欲百畝垂老意未渝有山在堂背有溪在庭除我
危坐中央花以冥坐隅人固不可親花亦不可疎

其二

花芳以養性花蔭以休影更欲從旁謀種秫可半頃衝
寒時一杯我醉花獨醒醉醒兩相忘久矣繫歸艇

春晚書懷二首奉簡陳益之

百舌喜太甚杜鵑恨何深
睨睨斯黃鸝律中宮之音物
情自不齊天運初無心道人獨領會杖藜立芳陰

其二

百卉得雨露華滋巧相娛
但知悅姚魏河洛竟何如
我方悟吾生箋經未成書
安得小學師從之注蟲魚

送鄭少卿景望知建寧

清廟圖書寶熙朝雅頌音頻煩
三節台荏苒二毛輕衣
飯家纔足丘園意亦深
卧聽牀下士時作武侯吟

送沈元誠赴臨漳主簿

誰說鄉先進能無沈隱侯
青衫今適越白髮竟依劉
道固為名累人當與命謀
三台行漸近且勿問歸舟

和張孟阜歲旦韻

白髮朝看鏡青燈夜數更
文章輸善宦名字誤浮生
廢學兒鼾睡安貧婦饁耕
從今定逢吉吾已卜先庚

月夜書懷

送客門初掩收書室更虛
新篁高過瓦涼月下臨除
婦

病纔扶杖兒饒或饋魚今朝吾已過莫問夜何如

其二

道德吾何敢功名代有人蒼黃恒畏咎斑白摠憂貧細
字書金廢深盃酒勿親靜言空自愛萬古亦泯泯

題范秀才萬卷堂

雅尚時相背幽棲我數過兒應看客慣田孰與書多自
析唐郴縣誰聯漢甲科儒門今有此天意定如何

和段仲衡譙樓新軍額

筆落元戎重詩成坐客新
譙門雙壯觀邊將一團春
夢破盤行玉名存甕得銀
衰遲亡補報着意與民親

其二

寒消晴後雪光轉凍前風
歲已宜麻麥人猶厭芥菘
樓頭千里望筆勢萬夫雄
及此吾何力天低露草豐

送丁懷忠教授象州

二毛羈旅久一飮瘴鄉輕
把酒時相屬令人意自平
校官無簿領帥閫甚聲名
所恨冥冥雨梅天不肯明

東陽杜季高遠訪詩以送之

當世闕衰壯斯文視合離
強餐吾豈敢後會子何期
村落秋彌好溪山晚更宜
逢人相問訊所欠更能詩

村居

野衣農圃雜華髮弟兄同
佚老便居僻貪閒喜命窮
習成杯酌少脫落語言工
危坐看流景新萌又落紅

送周介之同年赴德化宰

民社須吾黨江湖足此情
不堪秋暑近欲趁暮潮平
拙

宦成華髮憂時自短檠君看廬阜石千載尚垂名

止齋即事

教子時開卷逢人強整襟再貧知晚節多病得初心地
僻芟蓮好山低竹樹深寄聲同燕社明月又秋砧

挽新昌呂修職

頃作庵廬客看公手種蒔溪毛無亂理宰木有連枝久
欲鑱他石今還賦此詩黯然懷宿昔絮酒定何時

送同年林多益丞寧海

同里衣冠近闊疎同年齒髮多衰變美人宜在玉笋班
隱吏亦隨花雨縣有杭一葦逢迎可每食雙魚甘旨便
願瞻周道竟何如善為身謀吾豈願清廟笙鏞濟濟陳
碧梧鸞鵠深深見由來盛事歲月晚誰到脩途肝膽見
楊花吹水酒搖波一請加餐再無倦

送郡守汪克之移治嚴陵

挂梁龍骨經時蟄井井黃雲秋已及十日不雨民未急
使君日膳長蔬酒澄空颼颼雲霧入饒婦休眠兒覓笠

村春化出雲子粒市上明朝升二十農家語圃商語賈
恒願使君無疾苦自今一飮吾腹果健看將母從簫鼓
馮翊扶風天尺五見說嚴陵在何所詔書奪去萬舌吐
九重欲叩君門阻棲鳥護巢駒戀阜東人自視西人好
那知湛露漙秋草春意平鋪無剝少有客解事翻然笑
元祐治平諸故老身要人扶功未了誰知青絲絡馬橫
門道應笑江湖華髮早

次德脩仙巖韻

我家仙巖人跡稀客從何來此何時岷山之陽適海嶠
萬里欲寫心精微瀑泉自雨一丘壑有龍蟄不隨羣飛
病樵弛擔渴猿喜雖未作霖良已奇吾聞岷山天與齊
仰止不見如調飢君登絕頂小天下此縱有山安足嬉
翩然肯過非所期此道遼濶車誰脂願言稅駕毋遑歸
為我更賦崧高詩

赴桂陽道中喜晴書事

十日九雨垂垂雪馬僮僕病泥乘槎披衣闔戶得星月

耳根久與朝雞別熟睡八年謀未拙乞米作糜蒙被吸
客來午漏家僮出如今兒噉妻愁絕我縱喜晴心已折
可以藝麻多笋蕨苟有一丘吾計決奈何諸公廝役皆
豪傑尚愛春陵老元結

牡丹和潘養大韻

看花喜極翻愁人洛陽城外滿沙塵還知姚魏輩何在
但有歐蔡名不泯夕陽為我作初霽佳節過此無多春
更燒銀燭飲花下五陵佳氣今方新

覓樹栽

覓得循除數畝園，衰遲無力正乾坤。
學為老圃徒幽意，富比封君亦浪言。
計日若將栽樹木，成陰當待長兒孫。
出門悵望春連塢，為向雲屯斲一根。

汪守三以詩來次韻酬之

一年春事墜槐宮，却愛清和與政通。
乳燕黃鸝相倡和，落花脩竹亂青紅。
羨君有賦非占鵲，愧我無才可送窮。
細與論文一樽酒，他時還憶慕江東。

湖樓送客即事一首奉懷益之無簡同餞諸友
誰家喧騎盍朋簪屋壓城頭水照簷橋袖兩山香盡處
荷蒲十里淨相無愁將久雨春無賴別在明朝酒未厭
甚欲去同三四友鱸風更捲一江簾

和丁端叔歲晚書懷韻

來涂藍縷雪埋人三百于今又六旬奏課定應書下下
班春聊復喜津津餘蔬被壤農亡恙茂草連扉盜自新
曳杖鹿頭時極目炊烟齊起兩州民

丁端叔送海錯以詩來用韻酬之

澤魚山豕各忘年，味可勝窮總所便。
堪笑荊梧相俎豆，遂令蠻觸自矛鋌。
食無誤蟹車同軌，貢不徵蚶澤漏泉。
我在窮山人迹罕，亦蒙惟錯饋甘鮮。

戊申臘桂陽喜雪

月不能明雨却稀，山容野色夜輝輝。
清霄下際雙瓊闕，仙仗前驅萬玉妃。
亘古嶺旁冬不到，從今湖外歲無飢。
來年此日吾何適，蓑笠寒江一釣磯。

衡守劉子澄以詩來和韻奉酬

曳裾朝路不同時謀食衡湘亦把麾
一見相忘光可鑑十年何在慙如飢
力堪扶世將誰可語不驚人或自危
夜雪埋山江欲凍依然春信在南枝

遊南嶽

天作之山曷為哉遙知閭闔正南開
兩川文武長江下百粵車書五嶺來
柴望久為周陸典牢愁多見楚遺才
不知崧岱還何似我欲將書寄雁回

登祝融峯喜霽

仰止扶藜鬢髮蒼恰當風雨暗三湘為誰一闢天無際
及我重來日未央江過數州多曲折山緣長畝半青黃
老僧耐得從頭問問到吳門竟渺茫

和沈帥持要張漕季長韻

欲杭一葦近聲光恨不先期燕子涼舊學甘盤聊此日
倦遊司馬尚他鄉別從滄海山橫斗來自岷峨水濫觴
不謂偶成三楚客得為蘭杜附諸香

送沈帥

甘盤夢不入高宗四皓誰知去所終傳野有人能論學
漢庭無事可言功行藏于此皆成趣談笑從今得退公
分付諸兒理民社宜休堂上聽松風

送范東叔歸帥潼川

楚山黃落洞庭波背却難人問釣簑歸思甚于三峽壯
才名空自十年多曩遊記得青燈在後會愁如白髮何
我更有懷言不盡聊將短韻代長歌

登祝融峯觀日出

星月凋零萬象昏誰能先我見朝暾東南已得乾坤正
蠻貊方知夜旦分但覺滄溟浮佛屋却忘衡嶽近天關
迢迢下憩山腰寺人世浮雲尚吐吞

和劉進之韻兼簡吳阜之

憧憧滿眼事何稠落落論心思獨幽去國未能身一葉
懷人但覺日三秋池塘春草方同夢江渚歸舟更別愁
安得簫韶儀兩鳳不妨燕雀自嘲啁

初夏有感因用前韻久旱適得雨欣然辛章

湖山嫵媚綠陰稠誰向芸芸得趣幽
半破榴花方恨晚新來燕子未知秋
去為吏隱雖吾願歸得家山政自愁
賴有雨聲寬百感忽如孤鳳見羣啁

同遊張園酒中各歎明年未知誰與此會余最
衰病宜去因作詩識之

春過新烟能有幾愁生飛絮轉難禁
可憐衰白隨年少愛看殘紅到夜深
一輩衣冠方事故園松竹已陰陰

明年此會知誰共雁宕山前寄好音

喜雨

天顧于人畧有情片時收盡越山青
老農望外扶犁立
倦客愁邊擁被聽塵翳欲清閭閻道
井花已上轆轤亭
冥冥直待黃梅熟未要風池看約萍

除夜宿處州天寧寺

人言老去不如初我愛初心老轉無
懶向門前題鬱壘
喜從人後飲屠蘇
杯盤甚簡眠須早
禮數多寬拜要扶

況復覓覓僧紙帳雞人不聽禁庭呼

寄僧嗣清

衡陽傑閣宵人記淮右豐碑刺史書永已橋山藏劒佩
空餘雲漢照林廬河圖萬古陳東序汗簡諸儒校石渠
誰道幽深窮衲子乞錢買石更崎嶇

用前韻寄蔣處州仲可

幸無骨相可封侯歸理先人舊釣遊山下剝裁諸本竹
水邊須着數間樓羣書可讀自隨喜一客不來誰與愁

時把釣絲消永日魚兒亦得兩三頭

重陽日寄瑞安劉宰留宰以是日宴新第人併
見招不及赴

落帽沾衣總失真追隨萸菊亦勞人酒無肴核依然好
家有溪山豈是貧沆瀣從空來夜氣青冥隨處際秋旻
不知此是登高否為問慈恩塔上人

和張端士初夏

綠陰四合水迷津春去雖愁却可人無數飛螢窺案帙

有時乳燕落梁塵滿塘荷陰將還舊試火茶香又已新
短夜得眠常不足僧鐘遮莫報晨昏

已未上巳清明

霖霖故作落花天佳節重重倍悵然雖有庭除臨曲水
更無尊俎試新烟醑醺雅欲延春賞杜宇還能破晝眠
賴得二昆同一客巖芽蒲笋短檠邊

挽張材卿知郡

貂蟬不逮老端明世濟誰知好弟兄能着青衫偕計吏

却將白髮去邊城
夜魂俄斷凝香寢
秋淚仍兼曳履聲
萬石君家同一傳
副書應更有公卿

挽尤延之尚書

留宿江湖長子孫
行藏節節耐人看
及為侍從身垂老
欲試平生事轉難
書就僅題前太史
功成方記舊甘盤
令人長恨經綸意
歷事三朝見一斑

晚春

千枝寂寞待春風
風雨淒淒春已空
未曉啼鶯相喚語

海棠飛盡一庭紅

海棠

淡月看花似霧中
遽呼燈燭倚花叢
夜來月色明如晝
却向庭蕪數落紅

和丁端叔竹梅

空階琤砉下琅玕
全楚何人巧耐寒
誰伴八龍長傲雪
蕭然一榻卧袁安

其二

管領春風別有天
不論水際與山巔
祝融玉立湖湘凍
獨付寒梢笑粲然

袁起巖會飲湖上出示古刻酒罷各携桂花以
歸因成一絕

湖光不動見魚蝦
敗紙殘編數十家
巖桂叢中三四客
醉歸人得一瓶花

又和

湖上簾幰半捲蝦
調冰雪藕各名家
有人不解長安飲

話極茶鐺吸井花

除夜

春來十日垂垂雨歲盡今朝亦未晴
衰老見年殊不覺
卧聽穿葉打窗聲

石倉歷代詩選卷一百九十三

欽定四庫全書

石倉歷代詩選卷一百九十四

明 曹學佺 編

宋詩七十一

徐照

青鳩詞

勞勞復勞勞
生人半行客
今人行古道
古道有行役
相逢莫等閒
相離易疎隔
殷勤紅杏花
徹宵對芳席
明年

花發客東西青鵝食花舊處啼

送翁誠之

去作巴陵縣南州雅有聲未憑湘水綠能似長官清
笛冷君山月帆輕夏浦晴五言多好句顏杜減詩名

宿翁靈舒幽居期趙紫芝不至

江城過一宿秋氣入宵濃蛩響移砧石螢光出瓦松
月遲將近曉角盡即聞鐘人起行庭際思君恨幾重

贈江心寺欽上人

客至啟幽戶
筍鞋行曲廊
潮侵坐禪石
雨潤讀書香
古硯傳人遠
新篁過塔長
城中如火宅
此地獨清涼

白下

白下嚴州近
崎嶇昔未經
年豐山米賤
洞涸石苔腥
一月無新句
千峰役瘦形
人家因畏虎
未晚戶先扃

送塵老入廣化米開田

行李衝冰雪
途程半是船
去從人乞米
歸要海成田
遇景因開畫
思茶自掬泉
好風歸船舶
相候立江邊

途中

隻影微陽外青山自鬱盤未經千里遠欲寄一書難
碣苔侵字魚塘水過欄西風吹樹葉不問客衣單

還舊山作

雲駁天初霽携兒下短蓬數莖歸鬢白一衲世塵空
日
子差潮候秋容泊蓼叢江神應念我平穩不生風

宿寺

古殿清燈暗虛廊葉掃風掩闌人迹外得句佛香中鶴

睡應無夢僧談必悟空坐驚窗欲曉片月在林東

題羅隱故居

片水靜無塵青山是四隣上天如有意此地着詩人吟
得物俱盡罰今生世貧因來尋古跡座石久生塵

送李偉歸黃山

心和無白髮長帶一琴行幾路到君屋數峰當郡城妻
孥貧自樂丹藥歲燒成未必聖明代終令隱姓名

懷如順上人

西湖湖上寺一別二三年舊住房長閉新栽樹已圓空
多相憶夢不得寄來篇喜見隣僧說歸期是臘前

題道上人房老梅

香有竹風知無塵雜野姿為憐新白髮重記舊題詩
帶龍鱗剥蜂沾蠹屑垂不來三十載半樹是孫枝

題衢州石壁寺

岸石橫生脈平林一里溪衆船寒渡集高寺遠山齊
殘磬吹風斷眠禽壓竹低自嫌昏黑至難認壁間題

路逢楊嘉猷赴官嚴州

詩合千秋意難將片石鐫相逢因在道惜別未移船野
步僧同憩宵吟吏廢眠思君還有夢前到釣臺邊

題薌林

祇為登山遠當門疊石危人來嗟故跡景勝入名詩立
鶴高于檻欹花半在池百年庭際木新長挂冠枝

宿吉州永慶寺

古邑溪邊寺吟人愛寂寥少僧齋室廢乞食釣鄉遙鐘

逗含霜韻樓垂近斗杓漢時銅鑄佛瞻禮到今朝

送翁靈舒遊邊

孤劍色磨青深謀秘鬼靈離山春值雪憂國夜觀星奏
凱邊人悅翻營戰地腥所期歸幕下何石可書銘

懷趙紫芝

一別一百日無書直至今幾回成夜夢獨自廢秋吟小
雪衣猶綌荒年米似金知音人亦有誰若爾知心

題翁卷山居

十年前有約今却在城居羨爾能携子深山自結廬引
泉移岼石栽藥就園蔬見說高林外樵人聽讀書

訪僧居

客至無他事房門不厭敲好山元帶郭損屋旋鋪茅靜
砌生靈藥高林出遠郊水禽多不見春暖漸營巢

永州寄翁靈舒

古郡百蠻邊蒼梧九點煙去家疑萬里歸計在明年風
順眠聽角樓高望見船筠州當道半長得秀詩篇

石門瀑布

一派從天下曾經李白看千年流不盡六月地長寒入
樹跳微沫衝崖作怒湍人言深碧處常有老龍盤

移家雁池

不向山中住城中住此身家貧兒廢學寺近佛為隣雪
長官河水鴻驚釣渚春夜來遊嶽夢重見日東人

送真上人化緣

專志事偕成期師此一行閣開靈佛像碑載施人名江

潤風催渡村深雪廢程暫勞曾共說終可送閒情

白石巖

一石嵌遙天千峰疊在前人行不到處仙去未多年竇
暗雲生像簷斜日照泉皇朝宣賜物弟子尚能傳

龍湫瀑布

飛下數千尺全然無定形電橫天日射龍出石雲腥壯
勢神猶馘寒聲佛共聽昔人云此水浣目最能靈

題夏景清湘中閣

湘中山與水自古有人云此是曾遊地今來盡屬君殘
風吹岼草空廟入江雲却憶還鄉夢清猿半夜聞

中夕

中夕獨依依閒行未掩扉水邊山出月松上雨沾衣棹
響初如近螢光漸欲稀不甘塵內事長與此心違

題丁少瞻林園

州分低嶺外來向此園行路改初栽樹堂成未有名藥
苗如草長巖溜入池清欲識懷君意時聞鶴一鳴

李夫人

延年有妹顏如花十四選入君王家翡翠結簾玉鏤牀
君王一時無暫忘朝朝出入芙蓉殿莫道妾身出微賤
妾生未久身入泉上天何不與妾年君王愛妾言不死
逐夜宮中喚方士

山中寄翁卷

忽看春至復春還門外煙雲沒野山吟有好懷忘瘦苦
貧多難事損清閒柳花未散色全綠杜宇乍啼聲更蠻

聞到掃松溪雨後夢隨樵唱到巖關

宿翁卷書齋

一山秋色同誰看又復相尋出郭來
隣竹種成高礙月庖泉汲少近生苔
忽驚寒事砧初動不辨晨光戶盡開
君愛苦吟吾喜聽世人誰更重清才

高山寺晚望

石路近門方不險刺桐疎處見僧歸
小坡重疊無平屋四月陰寒尚袂衣
山入道州高莫比水分湘口綠相圍

暮雲不隔東南望一片遙兼白鳥飛

猿皮

路逢巴客買猿皮一片蒙茸似雪絲常向小窗鋪坐處
却思空谷聽啼時弩傷忽見痕猶在笛響誰誇骨可吹
古樹團圞行路曲無人來作野賓詩

觀所養鵝鵝

一身文采異常流却使閒身不自由永日翠籠相並睡
豈無魂夢到滄洲

柳禁詞

嫩葉吹風不自持
淺黃微綠映清池
玉人未識分離恨
折向堂前學畫眉

舟上

小船停槳逐潮還
四五人家住一灣
貪看曉光侵月色
不知雲氣失前山

題趙明叔新居

社壇側近地圖寬
所作園池在此間
十萬人家城裏住

少聞人有對門山

題張提舉西野

渡頭風景如前日
誰種桃花在雨邊
未晚人家門戶閉
鷺鷥閒立釣魚船

寄家書作

屋頭桑葉大如錢
知是吳蠶第一眠
遠水忽來瀟岸沒
家書却寄道州船

附徐璣詩

字靈暉照之弟也

江亭臨眺

問得梅花信寒林動曉聲雨來山漸遠潮去水還清寥
落尋新句歡娛解宿醒相携歸路滑燈火起孤城

湘水

湘水幾千里平流少急湍數家分市井列石起峰巒豈
是昔曾到猶疑畫上看吟詩身漸老向此作微官

泊舟呈靈暉

櫂歌風又起繫纜野桐林月在楚天碧春來湘水深官

貧思近闕地遠動離心所喜同舟者清羸亦好吟

憑高

憑高散幽策綠草滿春坡楚野無林木湘山似水波客
懷隨地改詩思出門多尚有溪西寺斜陽未得過

送徐照先回江右

骨體先如鶴離家歲已周欲知詩思遠曾共楚鄉遊窮
達身將老分携菊正秋江西看舊友歸計少遲留

春日遊張提舉園池

西野芳菲路春風正可尋
出城依曲渚古渡入脩林
長日多飛絮遊人愛綠陰
晚來歌吹起惟覺畫堂深

送翁巴陵

曾識巴陵道重携
印綬過地偏無會計
俗厚有絃歌官
况湘流碧詩情楚岫多
梅花送征棹萬里接陽和

同友人登翠麓亭

緩行循翠麓凝睇俯清灣
舟楫蘆花外江山夕照間
天寒雖日短歲晚亦身閒
高樹梅初發與君相共攀

黃碧

黃碧平沙岸陂塘柳色春水清知酒好山瘦識民貧雞
犬田家靜桑麻歲事新相逢行路客半是永嘉人

寄陳西老

長日無吟伴閒庭佇物華竹枝斜帶雨草色淨侵沙風
度平生友隣居幾十家可曾乘小醉訪爾一甌茶

初夏遊謝公巖

欲取紗衣換天晴起細風清陰花落後長日鳥啼中水

國乘舟樂巖扉有徑通州人多陟此猶自憶髯公

喜與上人至

住與佛居近僧閒稍問詩湖山明月夜風露菊花時
達意言常省微吟步自遲老來朋舊少愛爾得相隨

孤坐呈客

晨起猶孤坐餅泉待煮茶寒烟添竹色疎雪亂梅花
獨喜忘時事誰知改歲華多君能過此人里似仙家

題石門洞

瀑水東南冠廬山未足論飛來長似雨流處不知原洞裏龍為宅溪邊石作門遊行謝康樂訪有故基存

春望

樓上看春晚煙分遠近村曉晴千樹綠新雨半池渾柳密鶯藏影泥新燕有痕輕寒衫袖薄杯酌更須溫

夏日懷趙靈秀

古郡草為城懷賢隔此局水風涼遠樹河影動疎星江國晴猶潤烟林暮轉青荷鋤曾有約獨喜帶騷經

夏日懷詩友

流水堦除靜孤眠得自由月生林欲曉雨過夜如秋
遠憶荷花浦誰吟杜若洲良宵恐無夢有夢即俱遊

臘日驪山渡逢故人

天寒多木葉愁思滿溪濱惆悵往來渡經行多少人
時情猶重臘歲事每占春與爾他鄉旅誰當懷抱新

湘中

舊說湘中事身來又可尋廟存虞帝迹江照楚臣心
為

客人俱遠題名刻自深春迴洲渚綠遙望正沈吟

夏夜同靈暉有作奉寄翁趙二友

齋蔬惟少睡露坐得論文涼夜清如水明河白似雲宿禽翻樹覺幽磬渡溪聞欲識他鄉思斯時共憶君

檄途寄翁靈舒

聞道長溪令相留一館閒便令全近舍尚隔幾重山為旅春郊外懷人夜雨間年來疎覽鏡怕見減朱顏

送瑞州張知錄

歲暮不惜別君行是宦遊江西多野水湖上正高秋舊
友曾過處新題必笑留官閒可尋訪竹邇最深幽

秋夕懷趙師秀

冷落生愁思衰懷得句稀如何秋夜雨不念故人歸蛩
響砌尤靜雲疎月尚微惟憐籬下菊漸次可相依

送趙明叔為漳浦宰

去年官滿處送子意何如地接泉山近人依大澤居南
中繁賦役美政輯田廬公退無他事彈琴更讀書

秋日登玉峰

玉琢孤峯壓富沙人行峰頂步雲霞
溪流緩去幾回曲樹色幽分無數家
翠拂寒煙平似水紅飄霜葉遠如花
明朝重向城中望對此孤峰應不差

壬戌二月

山城二月景如何行處時時聽踏歌
淡色似黃楊葉少濃香如蜜菜花多
春容每到晴時改天氣偏從雨後和
好向溪頭尋釣侶小溪連夕漲清波

題東山道院

古院嵌嵌石作層綠苔芳草近郊垌溪流偶到門前合
山色偏來竹裏青靜與黃蜂通戶牖閒將白鳥共沙汀
道人亦有能琴者一曲清徽最可聽

訪湖友

城中日日望南湖乞得閒來就隱居漸下秋霖籬菊長
纔消暑氣渚蓮疎壁間古畫多賢像案上塵編半佛書
未見主人逢稚子不通姓字獨踟躕

夏日閒坐

無數山蟬噪夕陽高峰影裏坐陰涼石邊偶看清泉滴
風過微聞松葉香

丹青閣

翠靄空霏忽有無筆端誰着此工夫溪山本被人圖畫
却道溪山是畫圖

秀峰寺

藍輿晚泊近巖隈精舍門臨古道開僧子相逢便相識

十年三過秀峰來

過九嶺

斷崖橫路水潺潺行到山根又上山
眼看別峰雲霧起不知身已在雲間

春雨

斷橋橫路淺沙邊沙岸疎梅卧曉煙
新雨漲溪三尺水漁翁來覓渡船錢

新涼

水滿田疇稻葉齊日光穿樹曉煙低
黃鶯也愛新涼好
飛過青山影裏啼

石倉歷代詩選卷一百九十四

欽定四庫全書

石倉歷代詩選卷一百九十五

明 曹學佺 編

宋詩七十二

翁卷

思遠客

涉夏思已深感秋念愈迫思念者為誰為彼遠行客客
行曷辰休悵望朝復夕出門虛有待命駕馬所適邈邈

阻前歡悠悠抱今戚中庭一株樹嘉實轉金碧爰憶花
開時花邊語離析惜此不忍餐留之候君摘擬君君未
來回腸更幾折何當乘夢時儻遂微容覲

登飛霞山作

局居厭紛叢蕩志尋嶮嶮拂衣出城隅杖策循湖陰何
年彼真仙遺宮寄幽岑連樹窈蒙密靈洞疑虛沈攀條
承鮮葩立石弄澄深眺睠增殊歡超忽消煩襟美人逝
云遠青草疇與吟感昔興重嗟會意良在今山公悅崇

資嵇氏陶清音保真道無違嗜欲情易淫顧乏安期姿
華鬢能不侵

和陳待制秋日湖樓宴集篇

一夕鳴雨來秋容變俄頃湖山屬初霽風煙帶微冷侍
臣設芳筵開樓翫澄景懷我林下人招携共觀省碧草
鋪近洲白雲冒遙嶺依稀蘭杜香髣髴瀟湘淨撫化篇
忽成達生累全屏即是造物遊何必神仙境

送劉幾道

束髮同執經交分人莫如我愚百無成蹭蹬空林居君
文最奇崛二十魁薦書青衫何太晚警捕殊區區是月
蟬始鳴秀色連郊墟俶裝趨海邑指期當憇車老大戀
親友暫別猶欬歔況此一分手歸期三載餘積雨山川
晦新晴氛霧除殷勤送客吟摻執行子裾願言乘高風
矯翮凌太虛

壽友人

常憂別時數每苦歡事疎矧茲同心人契濶三月餘昨

日携瘦藤往訪林間廬差池不一見出門恨何如今晨
蒼童來贈言委璫璵吟翫弗忍釋絢彩搖襟裾子有供
世才胡為未展舒我無資身策合守貧賤居積疴困疲
繭焉得愁悶除殷勤荷久要尚肯念到余南枝早梅白
古澗寒流虛明當復相尋行遊帶琴書嚼花飲芳泉哦
詩更躊躇

寄趙靈秀

千山落葉深高樹不藏禽遊子在何處故人勞此心閒

燈妨遠夢寒雨亂愁吟僧爽曾相約花時共一尋

送人赴沅州任

舊貢包茅地中存古意長去程逢嶽雪上事帶春陽露
結硃砂氣波流白芷香大夫祠寂寞煩與奠椒漿

晚秋送徐璣赴龍溪丞因過泉南舊里

卷中風雅句名匠亦難如遠邑親微祿他鄉過舊廬程
途多見菊行李半擔書未信文明代無人薦子虛

寄遠人

秋氣日淒清秋衣紉未成在家猶不樂行路若為情幾處好山色暮天羣雁聲分明相憶夢夜夜出江城

太平山讀書奉寄城間諸友

寥寥鐘磬音永日在空林多見僧家事深便靜者心虛庭雲片薄側徑石根侵此去城間遠君應懶出尋

春日和刘朋遠

苦雨滴簷聲風回昨夜晴一堦春草碧幾片落花輕知分貧堪樂無營夢亦清看君話幽隱如我願逃名

宿鄔子寨下

已謁龍君廟明朝早過湖傍沙船盡泊經火地猶枯秋
至昏星易空長楚月孤蕭條村戍內更點數應無

曉對

獨對曉來晴天寒景物清梅花分地落井氣隔簾生曾
是吟招隱何時遂耦耕蕭疎頭上髮已白二三莖

寄永州徐三掾曹

聞說居官處千峯近九疑合流皆楚水高石半唐碑香

草寒猶綠猿夜更悲其中多隱者君去得逢誰

書隱者所居

百事已無機空林不掩扉峯霑朝露潤鷗帶晚雲歸石
老苔為貌松寒薜作衣山翁與漁父相過轉依依

寶冠寺

山多猿鳥羣永日絕囂氛一澗水流岨幾房僧共聞挂
節黏落葉拂石動寒雲誰昔來營此尋碑看記文

寄山友徐靈暉

指非殊俗好那肯愛幽居深徑無來客空山自讀書樹
蟬經雨少門柳望秋疎相憶何時去閒園共爾鋤

友人林居

花石與林廬皆非俗者居鋪沙為徑軟因竹夾籬疎留
客同家食教兒讀古書常言治生意只欲似樵漁

送包釋可撫機

州帶福星明君今指去程亂山秋雨後一路野蟬鳴時
靜軍書少人閒官况清歸來話風土盡識荔枝名

送趙嗣勲

休思孤嶼峯且住看吳中一片太湖色遠涵秋氣空藕塘南北棹蘆港去來鴻入幕多僚屬惟君事不同

信州草衣寺

簷多山鳥啼山外玉為溪林樹若又長塔峰應更低數僧歸似客一佛壞方泥宴坐當時事廊碑列具題

送盧主簿歸吳

湖波長浩蕩苑綠徧幽奇皆是全吳地今非昔代時鷗

夷無舊舸泰伯有新祠吟苦曾遊客因君動遠思

題竹

偶種得成陰脩脩過別林月寒雙鵲睡風靜一蟬吟映地添苔碧臨池覺水深貧居來客少賴爾慰人心

哭徐山民

已是窮侵骨何期早喪身分明上天意不與苦吟人花色連晴晝鶯聲在近隣誰憐三尺像瘦鶴似精神

處州蒼嶺

步步躡飛雲初疑夢裏身村雞數聲遠山舍幾家隣不
雨溪長急非春樹亦新自從開此嶺便有客行人

題武義趙提幹林亭

武陵諸勝狀如列在簷前一郭樓臺日數村桑柘煙鳥
啼春滿谷秧綠水平田中有漁樵影吾詩詠不全

送吉水包長官

不恥身為令惟存濟物心離家春雨足入境夏苗深吉
字水初識洞巖仙可尋知君脩淨化白日只彈琴

南澗尋韓仲止不遇

樹樹有佳色山蟬不住吟
掬來南澗水清比主人心
屋上雲飛冷籬根蘚積深
留詩在巖壁明日更相尋

白紵詞

翩翩長袖光閃閃
銀繡羅帳密流香
塵歌分四時舞一色
淥觴傳處馳金輪
急竹繁絲互催逼
吳娘嬌濃玉無力
呵星喚月留夜長
十二圍屏暖山色

秋居寄西里居

逐日看山有幾回
滿山風日屬秋哀
貧家歲計惟收菊
幽徑時常不掃苔
新得酒方思欲試
舊存吟軸見還開
涼天在處清如水
能賦慚無宋玉才

寄筠州張錄事

每到友朋相會地
未嘗一日不思君
小詩曾託鄉僧寄
善政因逢故客聞
山上仙蹤丹鼎在
郭邊溪色市橋分
公餘若起吟遊興
遊處多應見白雲

次徐靈淵韻贈趙靈秀

半軸黃庭看不厭詩囊茶器每隨身
三年在任同仙隱
一日還家只舊貧
種得溪蒲生似髮
教成野鶴舞如人
出門便是登山路
更要前山翠色勻

題東池

一池寒水綠粼粼
池上初梅白未勻
誰念酒旗飛動處
唐朝曾住作詩人

寄張季思

荆吳中隔萬山遥
那得相逢話寂寥
長憶梅花好時節

訪君船泊在楓橋

南塘即事

半川寒日滿村煙
紅樹青林古岸邊
漁子不知何處去
渚禽飛落拗昌船

附趙師秀詩

後哀

交交谷鳥哀鬱鬱澗松折
山民無還期春物失怡悅
平生感斯人難以常理說
共智已則愚忽巧衆亦拙
芳名

信可垂在世何寂滅含悽為卜兆
寔利茲月行當宿草生當使我
淚歇未知百年後誰復耕此穴
寄言苦吟者勿弃攝生訣

和陳水雲湖莊韻

粼粼水增波疊疊雲弄影昔誇
春徑妍今愛秋塘靜芳筵集賓
彥清宴除艷靜時當新雨餘蒼
翠獻林嶺既忻冲抱舒復快遠
目騁聊嘉鐘鼎人而廼眷箕穎
深營察高趣雅詠發沈景獨使
和者難一夕愁欲瘦

桐栢觀

山深地忽平縹緲見殊庭
瀑近春風濕松多曉日青
石壇遺鶴羽粉壁剝龍形
道士王靈寶輕強滿百齡

進賢道中

半月逢梅雨初晴客意消
鶯聲臨野水松影卧新苗
少憩休輿卒閒行過板橋
平生無飲分空愧酒旗招

德安道中

餐餘行數步稍覺一身和
蠶月人家閉春山瀑布多
鶯

啼聲出樹花落片隨波前路東林近慚因捧檄過

會景軒

此中非一景欲狀固難名江近秋陰早山多曉氣清
斷雲分樹泊飢鶴下田行別擬深更至虛空看月明

桃花寺

舊有桃花樹因云寺故名石幽寒鷺上灘遠夜僧聞
汲井連黃葉登臺散白雲燒丹勾漏令無處不逢君

送蔣節推赴岳陽

君山那可上四面是層波此地風煙古前人賦詠多征
帆衝雁字官舍近漁歌況爾脩真者回仙必見過

大慈道

青苔生滿路人迹至應稀小寺鳴鐘晚深林透日微野
花春後發山鳥澗中飛或有相逢者多因採藥歸

送潘景參赴利路帳幹

蜀道如天遠携家難計程不從三峽過免聽幾猿聲成
密野花少棧虛山雨鳴同年應寂寞此去子成名

送趙判官

三歲蓮花幕何曾仕者同
開墻通野客分樹借江鴻
與世深無味于民自有功
神仙今已近不畏引帆風

嚴州瀟灑亭

高榭出禪關人家向下看
千峯春隔霧數里夜聞灘
偶至因成宿前遊亦隔寒
州人多有詠何不見方干

寄徐縣丞

自爾為官去吾扉盡日闕
池成逢夜雨籬壞出秋山
歲

事登禾稼朝綱去草菅題書寄漳水專俟好詩還

縉雲縣宿

親知因別久具酒勞經過古邑僑人少春寒入夜多雨
香仙地藥燭動石橋波稍覺離家遠鄉音一半訛

月夜懷徐照

月色一庭深迢迢千里心湘江連底見秋客與誰吟寒
入吹城角光凝抱竹禽亦知同不寢難得夢相尋

翠巖寺

石巖看不見翠色自重重春雨生松葉山風響鐵鐘碑
頑工費墨草嫩綠添茸住院吳僧老相迎憶舊逢

薛氏瓜廬

不作封侯想悠然遠世紛惟應種瓜事猶被讀書分野
水多于地春山半是雲吾生嫌已老學圃未如君

送徐道暉遊湘水

春盡雨霏霏春寒猶在衣人尋香草去雁背遠峰歸滿
水添湘潤唐碑入宋稀應知名與姓題寫徧巖扉

龜峰寺

石路入青蓮來遊出偶然
峯高秋月射巖裂野煙穿螢
冷粘樓上僧閒坐井邊虛堂留一宿
宛似雁山眠

和鮑縣尉

留僧秋閣上身自伴僧閒
漱齒臨寒水焚香對遠山野
禽偷菓去童子借經還餘興成
詩句高題屋柱間

小舟

小舟隨處去幽意日相親
野草荂荷葉輕鷗似逸人閒

思此湖水曾洗幾京塵甚欲營漁屋空虛未有因

送與上人抄化

冒寒獨向何方去為建靈山閣未能詩卷帶呈看疏客
藥爐留借共房僧夕陽岸上行枯葉瀑布巖前聽拆冰
事到有緣隨處應回來金碧入雲層

呈蔣薛二友

中夜清寒入緼袍一杯山茗當香醪烏飛竹葉霜初下
人立梅花月正高無慙自然心似水有營何止事如毛

春來擬約蕭閒伴重上天台看海濤

暮春書懷寄翁十

帝里逢春雨不乾纔晴數日又春還
桐華半落官河水榆葉全遮客舍山
未悔謀疎令事去最憐糧乏礙身閒
菖蒲九節今堪采思爾逍遙澗谷間

借居湖上

出仕歸來貧似舊借園因近畫橋居
縱觀不用春携酒清坐何妨夜讀書
港小只通閒客棹樹低多礙故人車

向時城裏綠塵土久欲湖邊住歲餘

玉清夜歸

巖前未有桂花開觀裏閒尋道士來微雨過時松路黑
野螢飛出照青苔

山路懷翁卷

困時耽茗不論杯天氣初晴又有雷寂寞小亭看藥坐
晚風時復墮青梅

采藥徑

十載仙家采藥心
春風纔過得幽尋
如今縱有相逢處
不是桃花是綠陰

石倉歷代詩選卷一百九十五

欽定四庫全書

石倉歷代詩選卷一百九十六

明 曹學佺 編

宋詩七十三

黃公度

癸亥秋行縣夜寓下生院倦甚慨然有歸歎之
興戲用壁間韻以盟泉石

何須輪擁朱不願佩懸玉青山得去且歸去謀生待足

何時足林間招提金碧開門外過客誰能來桂華落盡
無人問古牆秋逕生青苔舊山泉石故應好菟裘不營
亦可老此身已與三徑期未分淵明迹如掃

鳥影度寒塘

秋色滿瀟湘天寒玄鳥翔數聲離疊嶂片影度橫塘風
翻搏寥廓煙蹤入渺茫乍隨萍苒沒還共水雲長冷浸
千尋碧斜侵兩岸霜凝眸西塞遠幾點帶殘陽

仙霞道中阻雨

薄暮雨霏霏歸心恨不飛客程三日阻家舍半年違
澁水爭道山空雲觸衣憑誰洗光手取出太陽輝

過使華亭悼七友

緣赴試潛臺
覆舟于此

惡石亂崢嶸胡為君此行功名成底事舟楫悞平生
天遠寧容問灘流本自鳴林猿如會意故作斷腸聲

奧村晚望

山逐寒雲斷天隨暮靄低稻畦迷上下樵徑自東西
故國存書劍他鄉咽鼓鼙涓埃期補報未敢卜幽棲

初秋夜坐

納涼北窗下景象有餘清
林暝惟螢影庭幽牖竹聲
語
闌驚坐久露重覺衣輕
不寐饒詩思徘徊參斗橫

和徐子由題畫寂軒

木落孤城迥苔封古寺深
結廬依近地隱几愜幽心
細
草秋仍綠脩篁晚更陰
紅塵門外路六轡漫如琴

庚申元日

繭足度殘臘回頭又一年
文書疎病眼事業付高眠
盥

櫛從朝懶衾裯覺夜便南鄰競春色車馬日喧聞

家僮歸得王慶長宓消息知留浙中秋舉

倦僕去復返憐君歸未能吟餘幽砌月夢破短檠燈地
僻人稀到書成雁莫憑秋風霜翮健天末看飛騰

久不得浙耗

獨酌澆愁酒慵翻信手書折腰行俗吏投足且吾廬歲
月鶯聲老江湖雁影疎依棲五侯第旅食近何如

苦熱

玉井晨不冷茅簷午欲焚月搖看畫簷榴吐認紅裙迥
野都如火奇峰空自雲衣巾負芒刺曝背有人耘

返照

返照隱西山煙村一水間路長人自急林暮鳥知還楓
巷秋常掃蓬門夜不關風塵猶劇盜歲月但催顏

倚薄

茅簷供倚薄藜杖任扶携天入平蕪濶山含宿靄低樹
聲風曲折野色晚淒迷容易營生事秋田稻欲齊

閒居

一水遠能白羣山陰更青靜憐風細細閒任雨冥冥春色供多病時情畏獨醒平生憂國意客至問朝廷

和鄭叔友厚題真如

南郡趨新幙微官愧野人客懷投寺晚歸夢到家頻歲月看蓬鬢塵埃聽葛巾相隨一杯酒且慰百年身

三月三十日郊外即事

雨積稻畦白晴添麥壠黃野橋排雁齒山路轉羊腸鳥

語有時好田家隨事忙一年春盡日身迹更他鄉

壬戌中秋沿檄行縣與龔實之同宿于琴泉軒
搖落江城暮招提訪舊遊泉聲終夜雨竹影一絃秋露
湛衣裳冷山空枕簟幽故人憐寂寞抱被肯相投

晚泊桃源驛奉懷幕府諸公

下馬泊孤亭人煙接古城半村留晚照萬壑送秋聲風
月思玄度文章愧長卿桃源何處在山驛至今名

題涼峯

倚杖清秋遠彈琴白晝長笙簫離館廢雲木晚峯涼往
事空流水歸心滿夕陽相逢惜分手珍重故人觴

題定光寺

為憐山色淨百里赴幽期疊嶂生寒早脩林出日遲年
華空晚晚時事竟艱危咫尺故園在題詩有所思

過白衣莊

草樹天邊碧溪流雨外渾僕夫經燕岫筋力盡龍門斜
日當幽徑輕風度晚村築場茅屋底約畧似東屯

除夜

暮景流年速寒燈照夜長
艱危仍薄宦時序更他鄉
雪暗吳宮下春歸越嶠傍
明朝對佳節無處覓椒觴

題方民瞻愷草堂

結宇踰塵外寓形天地間
幽懷付松菊高卧對雲山
門巷來人少琴書竟日閒
可憐朝市客名利損朱顏

冬日道間

歲熟牛羊飽村寒鳥雀呼
霜餘山骨露水落澗毛枯
歸

艇收漁網行人問酒壚微軀任南北未覺旅懷孤

喜雨

皇天嗇甘澤為農生理休哀哉桑麻瘁得意蓬蒿稠一
夜簷溜雨曉屋喧鳴鳩驚濤注空壑秀色溢平疇田舍
無宿儲及此寬百憂陌上誰家郎惟恐阻春遊

和龔實之茂良聞敵人敗盟

請纓未繫單于頸置火須然董卓臍列郡奔馳喧羽檄
聖朝哀痛下芝泥盟寒關隴無來使春晚江淮有戰輶

十載枕邊憂國淚不堪幽夢破晨雞

和宋永兄詠荔支用東坡刑字韻

脩竹繁陰覆綠萍
壁牆朱實鬪星星
明珠落掌驪龍睡
丹殼歸盤白馬刑
曾指畫圖誇北客
仍看喜色動南溟
可憐僖父流涎久
何日烏山始一經

次韻陳宜中携詩見訪

朝來乾鵲啅簷牙
昨夜燈開送喜花
好事寧期貴公子
携詩肯訪野人家
客愁到此逢寒食
薄宦羈人屢歲華

載酒他年問奇字故園歸去老桑麻

至日戲題天福寺

去年至日老夫家呼兒具酒對梅花今年至日空奔走
豈止無花亦無酒薄宦驅人無已時客懷牢落強裁詩
君不見杜陵老詩伯年年至日長為客

次韻宋永兄春日放言寄秉彛廣文兄

君不見邊孝先才得午枕一覺眠便遭弟子嘲便便又
不見馬季長橫經高堂坐絳帳背後女樂盈妖妍青春

一去少者老白髮不分愚與賢刻苦要稱天下士何如
落魄地行仙東風來習習新月照娟娟若逢花解語須
用酒為年

秋夜獨酌

溪山態足身無事天地功深歲有秋投老相從管城子
平生得意醉鄉侯捲簾清坐月排闥橫笛誰家風滿樓
可是離人更遺物自緣身世雨無求

李園招陳彥招同飲

稻粱粗飽任紛紛鴻鵠低徊難驚羣萬里歸心閩嶠月
十年羈夢瘴溪雲隣諳好事頻賒酒家不全貧肯賣文
未用天涯歎離索開樽滿意說榆枌

早春紅梅盛開有感

不與雪霜分素艷却隨桃杏競芳辰自知孤潔羣心妬
故着微紅伴早春

白沙夜聞灘聲

錯認松風萬壑傳仍如急雨碎池蓮青燈孤館元無寐

況復溪聲到枕邊

題須江驛詩後

歸來已負百花期
閒拂塵埃看舊詩
極目平蕪二千里
鄉心惟有杜鵑知

贈延福端老

我來欲問小乘禪
慚愧塵埃未了緣
忽憶去年秋夜話
共聽風雨不成眠

題潮陽石塔寺

投檄真成出瘴鄉
籃輿漸喜到僧坊
長風解事吹江雨
乞與行人五月涼

石倉歷代詩選卷一百九十六